

Ժողովուրդ

49
(2899)

9 ապրիլի երեքշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԹԱՆԿԱՐԺԵՔ «ՂԻԳԻԵՆԱՆ»



Հայաստանի Հանրապետության ֆինանսների նախարարությունը 2024 թվականի մարտի 20-ին պայմանագիր է կնքել «Ռիելթի մենեջմենթ քոմփանի» ՍՊԸ-ի հետ շենքերի մաքրման ծառայությունների համար:

Պայմանագրի արժեքը կազմել է 4 մլն 641 հազար դրամ, եւ այս ծառայությունը ձեռք է բերվել հրատապ մեկ անձից գնման ընթացակարգով:

«Ռիելթի մենեջմենթ քոմփանի» ՍՊԸ-ի 100% բաժնեմասը մինչ 2023 թվականը պատկանել է Կարեն Զաքարյանին. այժմ ընկերության իրական շահառուն Նարինե Վարդանյանն է՝ նրա կինը:

Ըստ պայմանագրի՝ նախատեսված է մաքրել 1,495 քմ տարածք: Մաքրման ենթակա տարածքն իր մեջ ներառում է 160 աշխատանքային տարածք, ըստ երեւոյթին՝ աշխատասենյակներ, 3 նիստերի դահլիճ, 1 պահեստի/արխիվի տարածք, 3 սերվերային տարածք, 2 մուտքի/սրահի տարածք, 18 սանհանգույց:

Պայմանագրով նախատեսված է, որ մաքրման ենթակա տարածքները պետք է պատշաճ մաքրված լինեն առավոտյան՝ ժամը 08:00 դրությամբ:

Նախարարության մաքրման ծառայությունների մեջ են մտնում նաեւ սանիտարահիգիենիկ միջոցները, որոնք հստակ սահմանված են ըստ պայմանագրի:

Օճառը պետք է լինի բարձրորակ Dove ապրանքանիշի: Ըստ պայմանագրի՝ 27 զուգարանային խցիկի համար անհրաժեշտ է երկշերտ սպիտակ թուղթ, իսկ 3-րդ հարկի ձախակողմյան հատվածի 2 սանհանգույցներում պետք է լինեն բարձր որակի զուգարանի թուղթ, հեղուկ օճառ եւ ակոսները լվանալու բարձրորակ հեղուկ:

Պայմանագրով սահմանված է մեկ տարվա ընթացքում 6 անգամ լվանալ պատուհանները: Զահերի, առաստաղի եւ պատերի մաքրումը առնվազն պետք է իրականացվի 2 անգամ մեկ տարվա ընթացքում:

Հետաքրքիրն այն է, որ սեփական հիգիենայի համար նախարարությանը պարտավորեցնում են պայմանագրով ունենալ ամենաթանկ խնամքի միջոցները, սակայն արցախցուն տրամադրում են ամսական 50 հազար դրամ, որի համար հետո գլուխ են գովում: Եթե գնենք եւ բացահայտենք նաեւ, թե մաքրուի աշխատանքի համար, ըստ պայմանագրի սահմանված կետերի, որքան աշխատավարձ է սահմանված, ապա կտեսնենք, որ գրեթե 5 մլն դրամը ծախսվում է իշխանավորների բարեկեցության վրա, իսկ մաքրությունն ապահովողները, նույնիսկ հերթապահելով, ստանում են 60-70 հազար դրամ:

Արտգործնախարար Արարատ Միրզոյանը եւ փոխվարչապետ Միեր Գրիգորյանը ընդունել են ընդդիմության առաջարկը. ինչպես ավելի վաղ հայտնել էինք, ընդդիմադիր «Հայաստան» խմբակցությունն առաջարկում է այսօր սահմանազատման եւ սահմանազծման հարցով հրատապ քննարկում անցկացնել: Ազգային ժողովի կանոնակարգ օրենքի համաձայն՝ պատգամավորների ընդհանուր թվի առնվազն մեկ քառորդի պահանջով հրատապ նիստեր կարող են անցկացվել խորհրդարանական հերթական նիստերի ընթացքում: Հրատապ նիստը տեղի կունենա այսօր՝ մեկնարկող քառօրյա երրորդ՝ հիմնական նիստում: Որպես հարակից զեկուցողներին՝ ընդդիմությունն առաջարկել է նիստին հրավիրել փոխվարչապետ, սահմանազծման եւ սահմանազատման հանձնաժողովի նախագահ Միեր Գրիգորյանին ու արտաքին գործերի նախարար Արարատ Միրզոյանին: «Ժողովուրդ» օրաթերթը տեղեկացավ, որ Արարատ Միրզոյանն ու Միեր Գրիգորյանը ընդունել են առաջարկը եւ մասնակցելու են ընդդիմության նախաձեռնած նիստին: Տեղեկացանք, որ ընդդիմության մյուս առաջարկը, այն է՝ հրատապ նիստ անցկացնել բաց ֆորմատով, ՔՊ-ն մերժել է, այսինքն՝ նիստը փակ ֆորմատով կլինի:



«Ժողովուրդ» օրաթերթի տեղեկությունների համաձայն՝ ապրիլի 16-ին Վճռաբեկ դատարանում կրկին հավաքվելու են Գլխավոր դատախազ Աննա Վարդապետյանը, Վճռաբեկ դատարանի նախագահ Լիլիթ Թադեոսյանը, սահմանադրական դատարանի նախագահ Արման Դիլանյանը եւ այլ պաշտոնյաներ, որպեսզի, ի վերջո վերջնական որոշեն, թե ովքեր են այն երեք լավագույն թեկնածուները, որոնց տվյալները ուղարկվելու են Մարդու իրավունքների եվրոպական դատարան: «Ժողովուրդ» օրաթերթին հասած տեղեկությունների համաձայն՝ միջոցառումը կապարտից հետո՝ 11-րդ օրը ժամանակ է տրվել հանձնաժողովի անդամներին՝ ամփոփել իրենց մեջ մրցույթը, գնահատել մասնակիցներին, թե 7 թեկնածուներից ովքեր են լավագույն երեքը, որ կգնան ՄԻԵԴ: Տեղեկացանք, որ հանձնաժողովի որոշ անդամներ դրական են արտահայտվել իրավագիտության ֆակուլտետի դասախոս Աննա Մարգարյանի մասին, ասել է թե՛ նա արդեն հանձնաժողովի դրական գնահատականը ունի, իսկ թե ինչ կլինի վերջնաորոշումը, կիմանանք ապրիլի 16-ին: Հիշեցնենք, որ 2019 թվականին Աննա Մարգարյանը ներկայացվել էր ԱԺ՝ որպես ԲԴԻ թեկնածու, որին Ազգային ժողովում այդպես էլ չընտրեցին: Հիշեցնենք, որ Հայաստանից ՄԻԵԴ դատավորի պաշտոնի համար մրցակցում են՝ Հայկ Ալունյանը, Լիզա Գրիգորյանը, Վահե Գրիգորյանը, Նորա Կարապետյանը, Արմեն Մազմանյանը, Աննա Մարգարյանը եւ Վիգեն Քոչարյանը: Եվ ահա, թեկնածուները սպասում են արդյունքներին:



«Ժողովուրդ» օրաթերթին հասած տեղեկությունների համաձայն՝ ՀՀ քննչական կոմիտեն ավարտել է նախաքննությունը՝ Երեւանում Լենինգրադի պաշարման ժամանակ զոհված երեխաների հիշատակին նվիրված հուշակոթողի նկատմամբ անհարգալից միջադեպի գործով: Ինչպես հայտնի է, այս տարվա հունվարի 31-ին Հայաստանում Ռուսական տան դեկավար Վադիմ Ֆեֆիլովը դիմել էր ՀՀ գլխավոր դատախազ Աննա Վարդապետյանին՝ Երեւանում Լենինգրադի պաշարման ժամանակ զոհված երեխաների հիշատակին նվիրված հուշակոթողի նկատմամբ անհարգալից միջադեպին քրեաիրավական գնահատական տալու: «Ազգամիջյան աստվածությունը հրահրելը եւ բռնության կոչերը՝ Երկրորդ համաշխարհային պատերազմի դեպքերի հիման վրա, անընդունելի են: Տեղի ունեցածի մեղավորները պետք է պատասխանատվության ենթարկվեն: Եվ ահա, այս գրությունից մի քանի օր հետո իրավապահները հայտնաբերեցին այն կատարողին: Վերջինս 1978 թվականին ծնված Սամվել Շիրինյանն է: ArmLur.am-ի տեղեկություններով՝ նրան գտել էին Բագրատաշենի անցակետից. նա ուզում էր դիմել փախուստի: Հիշեցնենք, որ հունվարի 27-ին քաղաքացի Սամվել Շիրինյանը ցուցադրաբար պոկել է տրորել էր Ռուսաստանի Դաշնության դրոշմ խորհրդանշող ժապավենները, տապալել էր ծաղկեպսակները՝ այդ ամենն ուղեկցելով Ռուսաստանի հասցեին վիրավորական մեկնաբանություններով եւ գործողությունը Tik Tok սոցիալական ցանցում տեղադրելով»:



ԶՐՈՒՅՑ

«ԲՈՂՈՐԻ ՂԵՏ ԲԱՆԱԿՑԵԼՈՒ ԵՆՔ», ՍՈՒՐԵՆՅԱՆՑ

Քաղաքացի Սուրեն Սուրենյանցի «Գեոմոնիթորինգային կենտրոն» կուսակցությունը ապրիլի 6-ին հանրահավաք իրականացրեց Շառլ Ազնավուրի հրապարակում:

Նպատակը գործող իշխանությունների հեռացման շուրջ հանրային և քաղաքական կոնսուլիդացիա ձեռավորելն էր:

ArmLur.am-ը հանրահավաքի արդյունքների և առաջիկա անելիքների վերաբերյալ գրուցել է Սուրեն Սուրենյանցի հետ:

«Պարոն Սուրենյանց, ինչպե՞ս կամփոփեք հանրահավաքը, արդյունքները Ձեզ համար բավարարող էին:

-Իմ կանխատեսումներն իրականացան. առաջին անգամվա համար ակցիան հաջողված եմ համարում, որովհետև սա մեր առաջին փորձն էր: Դահլիճային լեվելեցուն հանդիպումներից հետո սա հրապարակային հանրահավաքի առաջին փորձն էր, 200-ից ավել մարդ է ներկա եղել, կարելի էր, որ հարթակում երեւացել են նոր քաղաքական գործիչներ, որոնք այլ հարթակներում ակտիվություն առանձնապես չեն ունեցել՝ Դավիթ Ֆիդանյան, Նարեկ Պարոնյան: Ես համարում եմ, որ ստացված էր հանրահավաքը, հաշվի առնենք նաև այդ օրվա անկայուն եղանակը:

«Որո՞նք են լինելու Ձեր առաջիկա քայլերը, ունե՞ք ծրագիր:

Մենք գործընթացի մեկնարկն արդեն տվել ենք՝ ապրիլի 20-ին երկրորդ հանրահավաքն են իրականացնելու: Այս հանրահավաքները նպատակ ունեն հասարակության շրջանում գիտակցված դիրքորոշում ձեռավորելու: Հասարակությանը պետք է ոչ թե ինչ-որ պատրաստի բան մատուցեն, այլ փաստարկների ներկայացմամբ հասնենք նրան, որ նրանց մեջ գիտակցություն ձեռավորվի, որ այս իշխանության վարած քաղաքականությունը կանգնեցնում է կոլապսի առաջ, անհրաժեշտ են փոփոխություններ:

Ես կարծում եմ նման փոքր հանրահավաքներով Երեւանի տարբեր հատվածներում և մարզերում, մենք մայիս-հունիս ամիսներին կունենանք մի վիճակ, որ կարող լինենք ավելի ընդգրկուն գործընթաց սկսելու, քանի որ ամեն հանրահավաքից հետո նոր մարդիկ են միանում:



Ես գոհ եմ արդյունքներից, քանզի ինքս ռեալիստ եմ, պատրանքներ չեմ ունեցել, թե առաջին հանրահավաքը պետք է մարդաշատ անցնի: Վստահ եմ, որ հաջորդ հանրահավաքին մոտ 400-500 անձի մասնակցություն կլինի:

«Պարոն Սուրենյանց, այլ ընդդիմադիր ուժերի հետ պատրաստ եք համագործակցելու, կամ նրանց հետ քննարկումներ:

-Բոլորի հետ բանակցու ենք. առհասարակ, մեր նպատակը կոնսուլիդացված ընդդիմադիր հարթակ ունենալն է:

«Այդ թվում խորհրդարանական ընդդիմության հետ:

-Այո՛, այդ թվում խորհրդարանական ընդդիմության. ոչ ոքի չենք ուզում մեր ընդդիմությանը դուրս թողնել, բայց մյուս կողմից էլ կարծում ենք, որ ընդդիմությունը նոր հարթակի անհրաժեշտություն կա: Ես խորհրդարանական ընդդիմության դեմ ոչինչ չունեմ, բայց չեմ ցանկանա որ հարթակը նույնական լինի և ասոցացվի բոլոր այն շարժումների հետ, որոնք ձախողվել են:

ՔՐԻՍՏԻՆԱ ՍՈՒՐԵՆՅԱՆ



ԸՆԴՈՒՆԵԼ Է ՀԱՆՁՆԱԺՈՂՈՎԻ ԱՆԴԱՄՆԵՐԻՆ



ՀՀ վարչապետ Նիկոլ Փաշինյանն ընդունել է Եվրոպական միության խորհրդի Քաղաքական և անվտանգային հարցերով հանձնաժողովի անդամներին՝ Նախագահ Դեվիդ Պրոնկի գլխավորությամբ:

Ինչպես տեղեկանում ենք վարչապետի աշխատակազմի տարածած հաղորդագրությունից, Նիկոլ Փաշինյանը ողջունել է պատվիրակության այցը Հայաստան և կարելի էր Հայաստան-Եվրոպական միություն համագործակցության հետևողական զարգացումը և այդ համատեքստում ընդգծել ապրիլի 5-ին Բրյուսելում Հայաստան-ԵՄ-ԱՄՆ բարձր մակարդակի համատեղ հանդիպման փաստը:

ՀՀ վարչապետը շեշտել է ԵՄ օժանդակության կարևորությունը Հայաստանում ժողովրդավարական բարեփոխումների արդյունավետ իրականացման գործում ընդգծելով, որ ժողովրդավարության հետևողական զարգացումը ՀՀ կառավարության համար ունի ռազմավարական նշանակություն:

Զրուցակիցները քննարկել են տարածաշրջանում տեղի ունեցող զարգացումներին, Հայաստան-Ադրբեջան խաղաղության գործընթացին վերաբերող հարցեր: Նիկոլ Փաշինյանն ընդգծել է 2022 թ. հոկտեմբերի 6-ին՝ Պրահայում, 2023թ. մայիսի 14-ին և հուլիսի 15-ին՝ Բրյուսելում, 2023 թ. հոկտեմբերի 5-ին՝ Գրանադայում տեղի ունեցած հանդիպումների արդյունքում ձեռքբերված պայմանավորվածությունների ի կատարումն առնելու կարևորությունը, համաձայն որի՝ Հայաստանի Հանրապետությունն ու Ադրբեջանական Հանրապետությունը 1991թ. Ավմաթիի հռչակագրի հիման վրա փոխադարձաբար ճանաչում են միմյանց տարածքային ամբողջականությունը:

ՀՀ վարչապետը վերահաստատել է ՀՀ կառավարության հավատարմությունը նշված պայմանավորվածություններին և ներկայացրել «խաղաղության խաչմերուկ» նախագիծը՝ հավելելով, որ Հայաստանի դիրքորոշումը լիարժեք արտահայտված է վերոնշյալ նախագծում: Տարածաշրջանում անվտանգության և կայունության ապահովման գործում կարևորվել է Հայաստանում ԵՄ քաղաքացիական առաքելության դերը:

Անդրադարձ է կատարվել Լեռնային Ղարաբաղից բռնի տեղահանվածների հումանիտար խնդիրներին: Կարելի է միջազգային հանրության հետևողական աջակցությունը՝ տեղահանվածների սոցիալ-տնտեսական խնդիրները հարթահարելու նպատակով:

ԱԼԻԵՎԻ ՆՇԱՆԱԿՈՒՄՆԵՐԸ՝ ԱՏԵՓԱՆԱԿԵՐՏՈՒՄ

«ԻՇԽԱՆՈՒԹՅՈՒՆԸ ՄԻԱՑԱՎ ԱՇԽԱՐՀԻ ԼՌՈՒԹՅԱՆԸ»

Ադրբեջանի նախագահ Իլհամ Ալիևը հրամանագիր է ստորագրել օկուպացված Արցախի Հանրապետության մայրաքաղաք Մեփանակեթում դասավոր և ֆաղաֆային դասարանի նախագահ նշանակելու մասին:

ArmLur.am-ը կապ հաստատեց Արցախի Հանրապետության ԱԺ «Արդարություն» խմբակցության պատգամավոր Մետաքսե Հակոբյանի հետ՝ լսելու իր մեկնաբանությունը այս թեմայի վերաբերյալ:

«Իրենք իրենց քաղաքականությունն են վարում, կոնկրետ ինձ համար իրենց ցանկացած քայլ կեղծ է, սուտ, դատարկ, բայց դա քաղաքականություն է, որը վարում է Ադրբեջանը. այսինքն՝ հաստատվելով այնտեղ, ջնջեց մեր մշակութային ամբողջ հայկականությունը, հիմա մեր պետականության բոլոր հետքերն է վերացնում. դա հանցավոր քաղաքականություն է, որն Ադրբեջանն աշխարհի առաջ իրականացնում է: Մեզ համար կանխատեսելի էին այդ քայլերը, բայց հասկանալի ու ընդհունելի չէ աշխարհի դիրքորոշումը այս հարցի վերաբերյալ: Ադրբեջանը հանցագործ է և իր քայլերը չի թաքցնում»:



Պատգամավորի խոսքով՝ Հայաստանի իշխանությունները, պետք է շահագրգիռ կողմը լինեին, սակայն հակառակը՝

իրենք նույնպես միացան աշխարհի լռությանը:

ԷՄՄԱ ՍՈՒՐԻՈՍՅԱՆ

ԻՐԱՎԻՃԱԿ

ՕՐՎԱ ԶՐԱՄԱՅԱԿԱՆ

ՈՒՋՄԱԳԵՐԻՆԵՐԻ ԵՎ ՊԱՏԱՆԴԱՌՎԱԾ ԱՆՁԱՆՑ ՎԵՐԱԴԱՐՁ

ՔՆՆԱՐԿՈՒՄ ԵՒ ՔԱՐՏՈՒՂԱՐԻ ՀԵՏ

Հայաստանի Հանրապետության արտաքին գործերի նախարար Արարատ Միրզոյանը երեկ հանդիպում է ունեցել Եվրոպայի խորհրդի գլխավոր քարտուղար Մարիա Պեյչիևիչի հետ: Հանդիպումը կայացել է ԵՄ ԳԶ՝ Հայաստան պաշտոնական այցի շրջանակներում:

ՀՀ արտաքին գործերի նախարարությունից հայտնում են, որ հանդիպմանը քննարկվել են Հայաստանի եւ Եվրոպայի խորհրդի միջեւ գործընկերության, ինչպես նաեւ տարածաշրջանային կայունության հարցեր:

Արարատ Միրզոյանն ընդգծել է Հայաստանի Հանրապետության եւ Եվրոպայի խորհրդի միջեւ կարելու ու արդյունավետ համագործակցությունը՝ միտված օրենքի գերակայության, կոռուպցիայի դեմ պայքարի եւ մարդու իրավունքների պաշտպանության ոլորտներում ՀՀ կառավարության առաջնահերթությունների ու բարեփոխումների օրակարգի կյանքի կոչմանը: Այս համատեքստում անդրադարձ է կատարվել ՀՀ-ԵՄ 2023-2026 թվականների գործողությունների ծրագրի իրականացմանը: Նախարար Միրզոյանն ընդգծել է նաեւ նախորդ տարվա սեպտեմբերին Ադրբեջանի կողմից Լեռնային Ղարաբաղի դեմ ռազմական հարձակումից եւ ԼՂ էթնիկ գտումից հետո ԵՄ արագ արձագանքը, այդ թվում՝ նոր մարտահրավերների հասցեագրման նպատակով ՆՉԵՄ ծրագրի հարմարեցման կարելությունը:

Մտքեր են փոխանակվել Լեռնային Ղարաբաղից բռնի տեղահանված ավելի քան 100 հազար հայերի՝ հատկապես խոցելի խմբերի իրավունքների միջնաժամկետ ու երկարաժամկետ կարիքների հասցեագրման մասին, ինչի առնչությամբ Արարատ Միրզոյանն ընդգծել է, որ ՀՀ կառավարությունը շարունակում է ջանքերն այդ ուղղությամբ, այդ թվում՝ միջազգային գործընկերների աջակցությամբ:

ՀՀ արտաքին գործերի նախարարը եւ ԵՄ Գլխավոր քարտուղարն անդրադարձել են Հարավային Կովկասում կայուն եւ հարատև խաղաղության հաստատմանն ուղղված քայլերին: Այս համատեքստում Արարատ Միրզոյանն ընդգծել է Հայաստանի հանձնառությունն ու ջանքերը՝ ՆՉԵՄ թշնամանքից զերծ մթնոլորտի ձեւավորման, առանցքային հարցերում հստակ հանձնառության կարելությունը:

Հայաստանի Հանրապետության արտաքին քաղաքական գերատեսչության ղեկավարը ներկայացրել է Ադրբեջանի հետ հարաբերությունների կարգավորման գործընթացում երկու առանցքային հարցերի՝ տարածքային ամբողջականության ճանաչման վերահաստատման, սահմանների անքակտելության եւ տարածաշրջանային կայունության ապաշրջափակման հարցերում Հայաստանի Հանրապետության մոտեցումները: Արարատ Միրզոյանը շեշտել է գործընթացում 1991 թվականին Ալմաթիի հռչակագրի, ինչպես նաեւ միջազգային իրավունքի հանրահայտ սկզբունքներին հավատարմության կարելությունը:


«Միասին» այլընտրանքային հասարակական-քաղաքական շարժումը դիմել էր ԱԺ երեք խմբակցությունների և անկախ դասգամավորներին՝ ԱԺ նիստերում կառավարության կասարողականի ֆինանսումը եզրափակելու, ՀՀ վարչապետ Նիկոլ Փաշինյանին անվստահություն հայտնելու ԱԺ որոշման նախագիծ ներկայացնելու և փեարկության դեմ դադարեցնել համաձայն ՀՀ սահմանադրության 115 հոդվածի 1-ին և 2-րդ կետերի:

ArmLur.am-ը գրուցել է «Միասին» այլընտրանքային հասարակական-քաղաքական շարժման անդամ Արամ Սարգսյանի հետ, ով մեզ հետ զրույցում ասաց, որ պահանջագիրն արդեն ներկայացրել են խմբակցություններին:

«Այսօր՝ (խմբ.) ժամը 4-ին, մենք ժողովրդին հրավիրում ենք հանրահավաքի, որով մեր պահանջագիրը կդարձնենք բառի օրինակ ժողովրդի պահանջ: Այսինքն՝ ոչ թե միայն «Միասին» շարժման պահանջ, այլ «Միասին» շարժման եւ նրան աջակից ժողովրդի պահանջ, որովհետեւ այսօրվա կառավարությունը՝ Նիկոլ Փաշինյանի գլխավորությամբ, արդեն տարի ու կես է լեզուստ չէ: Մենք այս քայլով մեղադրում ենք նաեւ Ազգային ժողովի պատգամավորներին, որոնք պարտավոր էին իրենց կողմից հաստատված կառավարության ծրագրին հետևել»,- մեզ հետ զրույցում ասաց Արամ Սարգսյանը:

Սարգսյանի խոսքով՝ կառավարությունն ամեն բան արել է հակառակ:

«Երբ կառավարությունն ամեն բան անում էր հակառակ, ընդդիմադիրները պարտադիր պետք է կառավարությանը կանչեին Ազգային ժողով եւ առկա լինելու բացատրություն պահանջեին. բայց քանի որ կառավարությունն ինքը ոչ մի բան չի արել, որպեսզի գնա Ազգային ժողովում փոխի ծրագրի այս կամ այն հատվածը, իսկ Ազգային ժողովն էլ իր վերահսկողական գործառնությամբ չի օգտագործել, ապա այսօրվա դրությամբ ԱԺ ամեն մի պատգամավոր դրա համար նաեւ ինքն է պատասխանատու»,- ասաց Սարգսյանը:



Արամ Սարգսյանը ՆՉԵՄ, որ յուրաքանչյուր պատգամավորի վրա իրենք դրել են անհատական պատասխանատվություն եւ արդյունքում պահանջում են, որ կատարողականի քննարկման ժամանակ ֆրակցիաներից որեւէ մեկը կամ նույն 3 ֆրակցիաները, նախագիծ ներկայացնեն առ այն, որ այսօրվա իշխանությունը խախտել է սահմանադրական կարգը:

«Այսինքն՝ իրենք օրինախախտ են այս պահին. ընդունված ծրագիրը իրենք

կատարել են օրենքին հակառակ, եւ դա եղել է ռազմավարական ուղղությունների նկատմամբ՝ եւ բանակի տեսանկյունից, եւ Արցախի հետ կապված, եւ արտաքին հարաբերությունների առումով, եթե դուք ուշադիր կարդաք իրենց նախընտրական ծրագիրը եւ իրենց այսօրվա կատարած գործողություններին հետևեք, ապա կտեսնեք, որ գլխավոր շուռ են տվել ամեն ինչ»,- եզրափակեց Արամ Սարգսյանը:

ԱՆՆԱ ՍՐԱՊԻՈՆՅԱՆ

ՕՐՎԱ ԽՃԱՆԿԱՐ

ԲԱԼԱՆՍԻ ՎԵՐԱԿԱՆԳՆՈՒՄ ՏԱՐԱԾԱՇՐՋԱՆՈՒՄ

Հայաստանի կողմից զինատեսակների ձեռքբերումը միտված է տարածաշրջանում սպառազինության խախտված բալանսի վերականգնմանը:

Այս մասին ասել է Ազգային ժողովի պաշտպանության եւ անվտանգության հարցերի հանձնաժողովի նախագահ Անդրանիկ Քոչարյանը լրագրողների հետ զրույցում:

«Մենք հիմա կենտրոնացած ենք պաշտպանական խնդիրների լուծման վրա՝ լինի ինժեներական բնույթի, հակաօդային պաշտպանության: Մեր ձեռքբերած կամ ձեռքբերվելիք զինատեսակները միտված են տարածաշրջանում սպառազինության, խախտված բալանսի կարգավորմանը, որովհետեւ դրա խախտումն էր, որ հակառակորդին տվեց հնարավորություն՝ անցնելու ռազմական գործողությունների, մեկ անգամ՝ 2016 թվականին, լայնամասշտաբ՝ 2020-ին»,- ասաց Քոչարյանը:

ՕՐՎԱ ԽՃԱՆԿԱՐ

Նա կարծում է, որ եթե ԶՈՒ-ն իր բարեփոխումների ծավալը շարունակական դարձնի, ոչ միայն բալանսը կվերականգնվի, այլ նաեւ բանակում ծառայողները կունենան այդ ամենը տնօրինելու հմտություններ: Դրան միտված են նաեւ բազմաթիվ այլ ծրագրեր:

ՊԱՏԱՄԻԱՆ՝ ԲԱՔՎԻ ԱՌԱՋԱՐԿՆԵՐԻՆ

Հայաստանը պատասխանել է խաղաղության պայմանագրի նախագծի վերաբերյալ արդրեջանական կողմի վերջին առաջարկներին:

Այս մասին տեղեկացրեց արտաքին գործերի նախարարության մամուլի խոսակ Անի Բաղայանը:

Նա նշեց, որ խոսքը պայմանագրի նախագծի մասին առաջարկների 8-րդ խմբագրության մասին է:

Օրերս արտագործնախարար Միրզոյանն ասել էր, որ երեւանն ու Բաքուն խաղաղության պայմանագրի կնքման շուրջ բանակցություններում մի շարք փոխադարձ համաձայնությունների արդեն եկել են, բայց երկու հիմնական հար-

ցի վերաբերյալ կողմերի պատկերացումները դեռ հեռու են միմյանցից: Դրանք են տարածքային ամբողջականության փոխադարձ ճանաչման ու հետագա սահմանազատման գործընթացը եւ ենթակառուցվածքների ապաշրջափակումը:

ԵՄ ՀԱՆՁՆԱԺՈՂՈՎԻ ԱՆԳԱՄՆԵՐԸ ԿՈՎԿԱՍՈՒՄ

Եվրամիության խորհրդի անվտանգության եւ քաղաքական հարցերի հանձնաժողովի անդամներն կժամանեն Հարավային Կովկաս:

Տարածաշրջանային այցի ընթացքում նրանք կլինեն Հայաստանում, Վրաստանում եւ Ադրբեջանում:

Հայաստանում նախատեսվում են հանդիպումներ Երեւանում եւ Եվրամիության դիտորդական առաքելության գրասենյակում:

Այցի նպատակն է պատկերացում կազմել տարածաշրջանում տեղի ունեցող զարգացումների եւ հայ-արդրեջանական խաղաղ գործընթացի մասին:

17-ԱՄՅԱ ԵՐԻՏԱՍԱՐԴԻ ՍՊԱՆՈՒԹՅՈՒՆԸ

ՄԵԿ ԱՆՁԻ ԴԵՌ ՓՆՏՐՈՒՄ ԵՆ

Մարտի 21-ին ՀՀ բննչական կոմիտեի Երևան ֆաղափ բննչական վարչության Արաբկիր վարչական շրջանի բաժնում շարունակվում է «Երևանի ինֆորմատիկայի դեռական ֆուլեջ»-ի ուսանողի ստղանության դեղի առթիվ նախաձեռնված ֆրեական վարույթի նախաձեռնությունը:



Հիշեցնենք, որ 17-ամյա երիտասարդը, որ ենթադրյալ հանցագործություն կատարած անձի հետ տեսական ժամանակ, անձնական հարցի առնչությամբ, գտնվել է թշնամական հարաբերությունների մեջ, կյանքի հետ անհամատեղելի մարմնական վնասվածքներ էր ստացել սույն թվականի մարտի 12-ին՝ ժամը 11:30-ի սահմաններում, Երեւան քաղաքի Մամիկոնյան 52/3 հասցեի տարածքում:

Վարույթի շրջանակում ձեռնարկված քննչական անհրաժեշտ գործողությունների, օպերատիվ-հետախուզական միջոցառումների արդյունքում պարզվել են քննության համար էական նշանակություն ունեցող մի շարք հանգամանքներ, այդ թվում՝ միջադեպին մասնակից եւս երկու անձի ինքնություն, ովքեր սպանության կասկածանքով ձերբակալված 21-ամյա երիտասարդի ընկերներն են: Քսենիչների եւ ՀՀ ՆԳՆ ոստիկանության ծառայողների համատեղ գործողությունների արդյունքում ընկերներից 21-ամյա երիտասարդը հայտնաբերվել է ներկայացվել է վարույթի իրականացնող մարմնին ու ձերբակալվել:

Իրականացված վարույթային գործողություններով անհատականացվել են նրանցից յուրաքանչյուրի գործողությունները, որոնց տրվել են իրավական գնահատականներ:

Նախաքննական մարմնի կողմից ձեռնարկված մեծածավալ միջոցառումների արդյունքում պարզվել է նաեւ միջադեպի ժամանակ տուժողին մահակի գործադրմամբ մարմնական վնասվածքներ հասցրած անձի ինքնությունը, ով 21-ամյա երիտասարդի մեկ այլ ընկերն է, ում նկատմամբ, ՀՀ քրեական օրենսգրքի 297-րդ հոդվածի 3-րդ մասով հանրային քրեական հետապնդում է հարուցվել եւ հայտարարվել հետախուզում:

Քննությամբ նաեւ նոր հանգամանքներ են ի հայտ եկել. մասնավորապես, տվյալներ են ստացվել այն մասին, որ կողմերի միջեւ նախկինում տեղի է ունեցել նաեւ այլ միջադեպ, որը վրեժի շարժառիթով

դարձել է 17-ամյա պատանու սպանության պատճառ: Դեպքին նախորդող ժամանակահատվածում տեղի ունեցած այս եւ այլ միջադեպերի առնչությամբ ձեռնարկվում են քննչական, ապացուցողական եւ վարույթային անհրաժեշտ միջոցառումներ:

Նախաքննության ընթացքում 21-ամյա մեղադրյալի բնակության վայրում, օրենքով սահմանված կարգով, կատարվել է խուզարկություն, որի ժամանակ հայտնաբերվել են ենթադրյալ հանցագործության գործիք հանդիսացող ծալովի դանակը եւ փայտյա մահակը՝ չորացած, արևանման հետքերով, ինչպես նաեւ չորացած, արևանման հետքերով հագուստներ: Կատարվել են միջադեպի այլ մանրամասներ պարզելու ուղղությամբ անհրաժեշտ գործողություններ՝ առերես հարցաքննություններ, տեսագրության զննություններ խուզարկությամբ հայտնաբերվածի վերաբերյալ նշանակվել են դատակենսաբանական դատաքրեագիտական, իսկ ավելի վաղ՝ նաեւ դատամատնադրոշմային, համալիր դատաբժշկական եւ դատաիւրաբանական փորձաքննություններ:

Ձեռք բերված բավարար փաստերի հիման վրա 21-ամյա երիտասարդին մեղադրանք է ներկայացվել՝ ՀՀ քրեական

օրենսգրքի 155-րդ հոդվածի 2-րդ մասի 5-րդ կետով եւ 297-րդ հոդվածի 3-րդ մասով, իսկ վերջինիս վերոհիշյալ ընկերոջը՝ 297-րդ հոդվածի 3-րդ մասով: Միջնորդություն է ներկայացվել դատարան՝ 21-ամյա երիտասարդի նկատմամբ կալանքը որպես խափանման միջոց կիրառելու մասին, որը բավարարվել է: Վերջինիս ընկերոջ նկատմամբ կիրառվել է տնային կալանք խափանման միջոցը:

Նախաքննությունը շարունակվում է: Ձեռնարկվում են միջոցառումներ՝ միջադեպին մասնակից մյուս անձանց ինքնությունը պարզելու, նրանց հայտնաբերելու եւ վարույթի իրականացնող մարմնին ներկայացնելու ուղղությամբ:

Հետախուզվողին հայտնաբերելու եւ վարույթի իրականացնող մարմնին ներկայացնելու, ինչպես նաեւ քննությանը հետաքրքրող այլ տվյալներ ձեռք բերելու նպատակով օպերատիվ-հետախուզական միջոցառումներ իրականացնելու վերաբերյալ հանձնարարություն է տրվել ՀՀ ՆԳՆ ոստիկանության համապատասխան ստորաբաժաններին:

Նախաքննությունը շարունակվում է: Մեզ հայտնի դարձավ, որ հետախուզվողը միջադեպի մասնակիցներից մեկն է եղել, որին դեռ չեն գտել:

ՔՍՆՈՒԿՅԱՆ

ՏԱՐՈՐԻՆԱԿ SMS-ՆԵՐ

«ԴԵՌ ՉԵ՞Ք ՊԱՅԹԵԼ...»

ՔՊ-ականների հեռախոսներին «Դեռ չե՞ք պայթել, այ...» բովանդակությամբ sms հաղորդագրություններ են ուղարկվում: Դեռեւս փետրվարի 20-ին ՔՊ գրասենյակի, ինչպես նաեւ ՔՊ պատգամավորներ Գուրգեն Արսենյանին եւ Գագիկ Մելքոնյանին պատկանող տարածքներում ռումբ տեղադրելուց առաջ ՔՊ-ականներին նմանօրինակ բովանդակությամբ հաղորդագրություններ են ուղարկել, ինչի մասով ՀՀ քննչական կոմիտեում քննություն է իրականացվում՝ պայթուցիկ տեղադրելու քրեական վարույթի շրջանակներում:

Նկատենք, որ ՔՊ գրասենյակի եւ «Միավորված աշխատանքային կուսակցության» հիմնադիր ղեկավար Գուրգեն Արսենյանի գրասենյակի մոտ պայթուցիկ տեղադրելու գործով կալանավորվածները չեն ընդունում առաջադրված մեղադրանքը: Գործով կալանավորվածներից են ՀՀԴ անդամ Գագիկ Սարգսյանը եւ Վահան Հովհաննիսյանը:

ՀՀ քննչական կոմիտեւ պարզել էր, որ «Քաղաքացիական պայմանագիր» կուսակցության անդամներին, նրանց աջակիցներին ահաբեկելու համար, 2024 թվականի փետրվարի 20-ին, կիրառելով քողարկման եւ չքացահայտվելու համար անհրաժեշտ որոշակի միջոցներ, քաղաքացին գնացել է Երեւան քաղաքի Գյուլբենկյան 33 հասցեում գտնվող «Միավորված աշխատանքային կուսակցության» գրասենյակի մոտ եւ ժամը 03:50-ին գրասենյակից 9 մետր հեռավորության վրա գտնվող մայթեզրի ծառի տակ տեղադրել է նախապես պատրաստված, որպես պայթեցման միջոց շուրջ 1 կիլոգրամ տրոտիլ եւ պենետրատ, իսկ որպես խցման միջոց՝ հեղուկներ եւ մանեկներ պարունակող ինքնաշեն պայթեցման սարքեր՝ ավերածություններ գործելու, մարդկանց կյանքից զրկելու, շրջակա շինություններն ամբողջությամբ ավերելու համար:

Ապա նույն ժամանակահատվածում պիտակի ինքնաշեն պայթեցման սարքը տեղադրել են Գյուլբենկյան 30/3 հասցեում գտնվող «Քաղաքացիական պայմանագիր» կուսակցության տարածքային գրասենյակի մուտքի մոտ՝ այդ կերպ առաջացնելով պայթյունի եւ հրկիզման իրական սպառնալիք՝ զուգորդված քաղաքացիական անձանց կյանքից զրկելու, նրանց առողջությանը ծանր կամ միջին ծանրության վնաս պատճառելու, խոշոր չափերի գույքային վնաս պատճառելու եւ այլ ծանր հետեւանքներ առաջացնելու վտանգով: Վ.Հ.-ի կողմից տեղադրված պայթեցման սարքերը չեն պայթել, եւ նշված հետեւանքները վրա չեն հասել պատահականությամբ՝ ինքնաշեն պայթեցման սարքերի գործարկման մեխանիզմի՝ հաշվարկված եղանակով չգործելու պատճառով:

Նշված արարքները կատարելու պատճառով ՀՀ քրեական օրենսգրքի տարբեր հոդվածներով, այդ թվում՝ ահաբեկչություն կատարելու, քրեական հետապնդում է հարուցվել 4 անձի նկատմամբ, եւ բոլորը կալանավորված են:

Ք. ՄԱՆՈՒԿՅԱՆ

ՄԵՂԱԴՐԱՆՔՆԵՐԵՆԻՆ

ԳՈՒՄԱՐԻ ԱՊՕՐԻՆԻ ԿԻՐԱՌՈՒԹՅՈՒՆ

«Սեւանի իշխանի դաւաճների վերականգնման եւ ձկնաբուծության զարգացման հիմնադրամ»-ի սֆորտինգ մեղադրանք է առաջադրվել:

ArmLur.am-ին հայտնի դարձավ, որ Դավիդ Ռուբինի Շանոյանը, հանդիսանալով պետության, ի դեմս Հայաստանի Հանրապետության կառավարության կողմից ստեղծված ոչ առետրային կազմակերպության՝ «Սեւանի իշխանի պաշարների վերականգնման եւ ձկնաբուծության զարգացման հիմնադրամ»-ի տնօրենը, հիմնադրամի կանոնադրությամբ սահմանված նպատակների իրականացման համար լիազորված լինելով տնօրենի իմաստարամի գույքն ու ֆինանսա-

կան միջոցները, պարտավոր լինելով «Պետության կողմից դրամաշնորհի ձեռով տրամադրվող ֆինանսական աջակցության՝ գումարների օգտագործման մասին պայմանագրով» ՀՀ կառավարության կողմից հատկացված 300.000.000 ՀՀ դրամ գումարն օգտագործել հիմնադրամի կարիքների համար, 2022թ.-ի դեկտեմբերի 20-ին իր՝ որպես հիմնադրամի տնօրենի, եւ քաղաքացի Արայիկ Ռուբինի Շանոյանի միջեւ կնքված փոխառության պայմանագրի հիման վրա, նշված գումարից 8.800.000 ՀՀ դրամ անկանխիկ փոխանցման եղանակով տրամադրել է հարազատ եղբորը՝ Արայիկ Շանոյանին, որը, պարտավոր լինելով 6 ամսվա ընթացքում վերա-

դարձել նշված գումարը՝ չի վերադարձրել եւ օգտագործել է իր սեփական կարիքների համար, ինչի հետեւանքով Դավիդ Շանոյանը՝ «Պետության կողմից դրամաշնորհի ձեռով տրամադրվող ֆինանսական աջակցության գումարների օգտագործման մասին պայմանագրով» իր ղեկավարած հաստատությանը հատկացված գումարից 8.800.000 ՀՀ դրամը չի ծախսել հիմնադրամի ծրագրով, կանոնադրությամբ եւ վերոհիշյալ պայմանագրով նախատեսված նպատակներով եւ հիմնադրամի շահերին պատճառել է առանձնապես խոշոր չափերի՝ 8.800.000 ՀՀ դրամի գույքային վնաս:

Ք. ՄԱՆՈՒԿՅԱՆ

● Ըստ ոստիկանության տվյալների՝ ապրիլի 5-ից 8-ը ՀՀ ՆԳՆ ոստիկանության ստորաբաժանումները բացահայտել են հանցագործության 220 դեպք, որից 10-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԶՈՐՎԱԾԻ ԳԵՐԵԶՄԱՆԱՔԱՐԸ ՎԵՄԱՎԵԼ Է

Ապրիլի 5-ի ուշ երեկոյան, ապրիլի լույս 6-ի գիշերը ադրբեջանական զինուժը խոշոր տրամաչափի զնդացիրներից զնդակոծել է Տավուշի մարզի Բերդ համայնքի սահմանամերձ Մովսես, Ներքին Կարմրաղբյուր, Այգեպար եւ Չինարի գյուղերը...

ԱՅՍ ՏԱՐԻ ԿԵՆՐՈՎՎԻ՞

Բերդ քաղաքից նույնանուն համայնքի Վերին Կարմրաղբյուր տանող ավտոճանապարհը շատ փոսառատ է: Բերդի համայնքապետարանից հայտնել են, որ այդ ճանապարհը համայնքային ենթակայության չէ...

ՈՍՎԻՆ ՄԱՐԳԱՅԻՆ Տավուշ

ԳԱՍ-Ն ԱՅԱԶԱՆԳՈՒՄ Է

ՀԱՏՎԵՑԻՆ՝ ԱՌԱՆՑ ՄԱՍՆԱԳԻՏԱԿԱՆ ԵԶՐԱԿԱՑՈՒԹՅԱՆ

ՀՀ ԳԱՍ-ն ահազանգում է խաբեության մասին՝ երեւանի ծառերը հասկանալի առանց մասնագիտական եզրակացության:

Օրերս ՀՀ Գիտությունների ազգային ակադեմիայի կենսաբանականության եւ կենսաանվտանգության պրոբլեմային խորհրդի նիստում քննարկվեց «Երեւան համայնքում կենսունակության ավարտին մոտ գտնվող եւ ամբողջովին դեֆորմացված ծառերի փոխարինում արժեքավոր եւ գեղազարդ ծառերով» ծրագիրը:

ԳԱՍ-ից հայտնում են, որ նիստը վարեց ՀՀ ԳԱՍ Բնական գիտությունների բաժանմունքի ակադեմիկոս-քարտուղար Ռուբեն Հարությունյանը: Նիստին մասնակցեցին ՀՀ ԳԱՍ գիտական ինստիտուտների եւ կենտրոնների տնօրեններ, գիտաշխատողներ, Երեւանի քաղաքապետարանի «Կանաչապատում եւ շրջակա միջավայրի պահպանություն» ՀՀ ԳԱՍ-ի տնօրեն Արմեն Բեգոյանը, զարգացման գծով տնօրենի տեղակալ Արթուր Խալաթյանը, գլխավոր դեղորուզ Արծվի Գրիգորյանը, քաղաքապետարանի այլ ներկայացուցիչներ, ոլորտային մասնագետներ շրջակա միջավայրի նախարարությունից, բուհերից, փորձագետներ:

ՀՀ ԳԱՍ Արմեն Թախտաջյանի անվան բուսաբանության ինստիտուտի տնօրեն Արսեն Գասպարյանը, ՀՀ ԳԱՍ Էկոլոգա-նոսֆերային հետազոտությունների կենտրոնի տնօրեն Լիլիթ Սահակյանը, ՀՀ ԳԱՍ Կենդանաբանության եւ հիդրոէկոլոգիայի գիտական կենտրոնի տնօրեն Սարգիս Աղայանը ելույթներում նշեցին, որ ծրագրի վերաբերյալ իրենց դեկավարած գիտական կառույցներին չեն դիմել կարծիք ստանալու համար, հետեւաբար, իրենք ծրագրի վերաբերյալ կարծիք չեն տրամադրել:

Նշվեց Երեւանի քաղաքապետ Տիգրան Ավինյանի հայտարարությունն այն մասին, որ ժամանակավորապես կդադարեցվի ծառերի փոխարինման ծրագիրը՝ ակնկալելով, որ քաղաքապետարանը գիտական շրջանակներից հիմնավոր փաստաթուղթ կստանա:

Ռուբեն Հարությունյանն ընդգծեց այդ հայտարարությունը եւ հավելեց, որ այն հաստատում է ծրագրում խնդիրների առկայությունը, որոնք չի կարելի անտեսել:

«Կանաչապատում եւ շրջակա միջավայրի պահպանություն» ՀՀ ԳԱՍ-ի տնօրեն Արմեն Բեգոյանը մեջբերեց 2023 թվականի փետրվարի 23-ին քաղաքապետարանում տեղի ունեցած գիտաժողովը, որին մասնակցել են գիտնականներ ՀՀ ԳԱՍ ինստիտուտներից եւ կենտրոններից: ՀՀ ԳԱՍ ներկայացուցիչները նշեցին, որ գիտաժողովին մասնակցությունը գիտական հաստատության պաշտոնական կարծիքի տրամադրում չէ, եւ ծրագրում ներգրավված գիտնականները ներկայացրել են սեփական տեսակետները՝ ակադեմիական ազատության իրենց իրավունքի շրջանակում: Հանրությանը չի ներկայացվել որեւէ գիտահեռի հիմնավորում, որտեղ ամփոփված կլինեն առկա խնդիրները եւ դրանցից բխող հետազոտ քայլերը:

Գնահատելով քննարկման արդյունավետությունը՝ նիստի մասնակիցները ներկայացրեցին հետեւյալ խնդիրները եւ դրանց լուծմանն ուղղված առաջարկությունները:



ՀՀ գիտությունների ազգային ակադեմիան եւ նրա կազմում գործող գիտահետազոտական մասնագիտացված կառույցները, այդ թվում՝ ՀՀ ԳԱՍ Արմեն Թախտաջյանի անվան բուսաբանության ինստիտուտը, ՀՀ ԳԱՍ Էկոլոգանոսֆերային հետազոտությունների կենտրոնը եւ ՀՀ ԳԱՍ կենդանաբանության եւ հիդրոէկոլոգիայի գիտական կենտրոնը չեն ստացել եւ չեն քննարկել «Երեւան համայնքում կենսունակության ավարտին մոտ գտնվող եւ ամբողջովին դեֆորմացված ծառերի փոխարինում արժեքավոր եւ գեղազարդ ծառերով» ծրագիրը եւ, հետեւաբար, չեն ներկայացրել մասնագիտական կարծիք ծրագրի վերաբերյալ: ՀՀ ԳԱՍ-ին առաջարկվում է ներկայացնել ծրագիրը վերոնշյալ մասնագիտական կառույցներին՝ բազմակողմանի եւ համապարփակ քննարկում կազմակերպելու համար, քանի որ մասնակից բոլոր գիտահետազոտական կառույցների գիտնականները մի շարք առաջարկություններ են մտահոգություններ հնչեցրել, որոնք կարող են ամփոփվել միայն ծրագրի ամբողջական քննարկման արդյունքներով:

Մասնակիցները ողջունելի համարեցին «Կանաչապատման եւ շրջակա միջավայրի պահպանություն» ՀՀ ԳԱՍ-ի կողմից գիտահեռի որոշումներին ուղղված քայլերը, սակայն նման լայնամասշտաբ ծրագրերի քննարկումը կառույցի կողմից ստեղծված գիտական խորհրդում փորձագիտական մակարդակում, բավարար չէ: Նիստի ընթացքում գիտնականների կողմից ներկայացված բազմաթիվ մտահոգություններ, բացել եւ հարցադրումներ պահանջում են հետազոտություններ եւ առկա տեղեկության վերլուծություն:

ՀՀ ԳԱՍ-ին առաջարկվում է պատվիրակել մասնագիտացված կառույցներին հետազոտություններ. այդ թվում ծառագիտական, առաջարկվող տեսակների կլիմայի փոփոխությանը հարմարվողականության, կենսաբանականության պահպանության, սանիտարական ռիսկերի (վնասատուների տարածման) էկոլոգիական ռիսկերի (փոշի, աղմուկ եւ այլն), առողջապահական եւ այլ տե-

սանկյուններից, որոնք հնարավորություն կտան որոշում կայացնող մարմնին ավելի արդյունավետ իրականացնել կանաչապատման միջոցառումները եւ հանրության հետ հաղորդակցությունը, ներկայացնելու ՀՀ ԳԱՍ մասնագիտացված կառույցներին այն գիտական, հետազոտական հենքերը, որոնց հիման վրա որոշում է կայացվել սկսել ծառերի փոխարինումը: ՀՀ ԳԱՍ-ն պատրաստ է հնարավորինս սեղմ ժամկետներում ներկայացնել համապատասխան կարծիք:

Ծառերի փոխարինման ծրագիրն արդիական է, սակայն ունի կարճաժամկետ բնույթ եւ անհրաժեշտ է դիտարկել կանաչապատման եւ այլ բնապահպանական միջոցառումների իրականացումն ավելի երկարաժամկետ նպատակների եւ խնդիրների լուծման տեսանկյունից, այդ թվում՝ ֆունկցիոնալ կանաչապատման, բնահեն լուծումների եւ լանդշաֆտային-ճարտարապետական առաջադեմ լուծումների կիրառմամբ:

Առաջարկվում է մշակել Երեւան քաղաքի երկարաժամկետ բնապահպանական ռազմավարություն: ՀՀ ԳԱՍ մասնագիտացված կառույցները պատրաստակամ են համագործակցել եւ իրենց ներդրումն ունենալ հանուն կանաչ եւ էկոլոգիապես առողջ Երեւանի:

Բարձրաձայնվեցին եւ քննարկվեցին ծառերի կենսունակության վերաբերյալ տրվող գնահատականի հիմքերը: Մասնավորապես, նշվեց ծառերի կենսունակության եւ տապալման ռիսկերի գնահատման համար անհրաժեշտ սարքավորումների կիրառման կարելիությունը:

Առաջարկվում է ձեռք բերել անհրաժեշտ սարքավորումներ, որոնց միջոցով հնարավոր կլինի գնահատել ծառի կենսունակությունը, յուրաքանչյուր հատվող ծառի պարագայում ներկայացնել կենսունակության հետազոտության արդյունքները, ինչն իր հերթին կբարձրացնի վստահությունը հանրության շրջանում:

ՀՀ ԳԱՍ համապատասխան մասնագետները պատրաստ են աջակցել «Կանաչապատման եւ շրջակա միջավայրի պահպանություն» ՀՀ ԳԱՍ-ի աշխատակիցների վերապատրաստման հարցում: ՀԱՄԱ ՄԱՐՏԻՐՈՍՅԱՆ

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 33 պատահար. 2 մարդ զոհվել է, 39-ը՝ ստացել տարբեր աստիճանի մարմնական վնասվածքներ:

ՄՇԱԿՈՒՅԹ

ՊԱՔԼՈ ՊԻԿԱՍՈ

ՆԿԱՐՉԻ ՖԵՆՈՄԵՆԸ ԵՎ ՂԵՏԱՔՐԻՔԻ ԿՅԱՆՔԸ

Մենյակը սափացնելու համար մա այրել է սեփական կսավները, հարցաֆնովել «Մոնա Լիզա»-յի գողության համար, երկու անգամ ամուսնացել է եւ աղօրհնի զավակ ունեցել. Պաբլո Պիկասո ֆենոմենն ու կյանքի հետաքրքիր դրվագները:

1973 թվականի ապրիլի 8-ին՝ 51 տարի առաջ, մահացել է աշխարհահռչակ իսպանացի նկարիչ, գծանկարիչ, քանդակագործ եւ կերամիկայի մասնագետ Պաբլո Պիկասոն:

Նկարիչը, ով իր կյանքի մեծ մասն անց է կացրել Ֆրանսիայում, հայտնի է որպես կուբիզմի հիմնադիր: Տարբեր նկարչական ոճերի գարգացման հարցում մեծ դեր ունեցած Պիկասոն երիտասարդ տարիներին հիմնականում ստեղծագործել է ռեալիստական ոճում, իսկ ավելի հասուն տարիքում անցում կատարել նոր ոճերի՝ սուստրուիզմի, սեփականների եւ գաղափարների ազդեցությամբ: Հենց այս արտիստիկ գործերն էլ նկարչին համաշխարհային ճանաչում են բերել՝ նրան դարձնելով 20-րդ դարի արվեստի ոլորտի ամենահայտնի ներկայացուցիչներից մեկը:

Իսպանիայի Անդալուզիա շրջանում ծնված Պիկասոն ընտանիքի առաջին զավակն էր: Աղքատ ազնվականներից սերող հայրը տեղի թանգարանի վարիչն էր եւ Կրաֆտա դպրոցի արվեստի պրոֆեսորը, որը հիմնականում էր թաքցնում պատկերները: Նկարչական տաղանդն ու նախասիրությունը Պաբլոն ժառանգել է հենց հորից:

Առաջին փորձերը պատանի Պիկասոն անում է հոր նկարների էջիզների վրա: Ավանդույթի համաձայն՝ բացահայտելով որդու տեխնիկայի ճշգրտությունը, հայրը զգում է, որ իր 13-ամյա որդին գերազանցել է իրեն եւ ցանկացել է թողնել նկարչությունը:

1895 թվականին Կորուսա տեղափոխված ընտանիքը կորցնում է Պիկասոյի կրտսեր քրոջը եւ մշտական բնակություն հաստատում Բարսելոնայում: Հոր ջանքերի եւ ծանոթությունների շնորհիվ Պաբլոն կարողանում է դիմել ակադեմիա, որի ավարտական քննությունները վերջնարդյունքի է հասցնում մեկ շաբաթում, հակառակ նրան, որ այն սովորաբար ուսանողների շրջանում տեւել է մոտ մեկ ամիս: Հենց ակադեմիայում էլ Պաբլոն ձեռք է բերում այն շրջապատը, որը մեծ ազդեցություն է ունենում իր հետագա ստեղծագործական կյանքի վրա:



1901 թվականին Պիկասոն 5 ամիս ապրում է ունենում իր հետագա ստեղծագործական կյանքի վրա:

Ավադեմիական կրթությունից հետո հայրն ու հորեղբայրը երիտասարդին ուղարկում են Մադրիդի Սան Ֆեռնանդոյի գեղարվեստի թագավորական ակադեմիա, ինչն էլ լինում է նրա առաջին միայնակ ճանապարհորդությունը:

1900 թվականին Պիկասոն առաջին անգամ մեկնում է Փարիզ, որը ժամանակի Եվրոպայի արվեստի մայրաքաղաքն էր համարվում. այնտեղ է նկարիչը հանդիպում է լրագրող եւ բանաստեղծ Մաքս Ջակոբին, որը օգնում է նրան ֆրանսերեն սովորել: Պիկասոյի կյանքի այս ամենաաղբյուր ժամանակներում բազմաթիվ արվեստի գործեր այրվել են փոքրիկ սենյակը տաքացնելու համար:

1901 թվականին Պիկասոն 5 ամիս ապրում է ունենում իր հետագա ստեղծագործական կյանքի վրա:

Ավելի ուշ Պիկասոն, որն արդեն նկարների տակ մակագրում էր «Պիկասո», ծանոթանում է Սթեյն եղբայրների հետ, որոնք մեծ հետք են թողնում իր արվեստի վրա. հայտնի ամերիկացի կուլեկցիոներները սկսում են գնել Պիկասոյի գործերը: Գերթադ Սթեյնը Պիկասոյի նկարների ցուցահանդեսներն է կազմակերպում Փարիզի իր տանը կից ոչ պաշտոնական ցուցասրահում: Նա հասցնում է մեծ շրջապատ ձեռք բերել եւ նույնիսկ հարցաքննության է կանչվում «Մոնա Լիզայի» կտավի գողության գործով:

ՀՈՐԻ ԲՎՂՂԱՍՍՈՒՅԱԼ

ՄԱՐԶԱԿԱՆ

3 ՏԱՐՎԱ ՀԱՄԱՐ՝ 14 ՄԻՋՈՑԱՌՈՒՄ

2027 թվականի ծանրամարտի աշխարհի առաջնությունն անցկացվելու է Հայաստանում: ՀՀ կրթության, գիտության, մշակույթի եւ սպորտի նախարարի տեղակալ Կարեն Գիլոյանը կարելու է այդ առաջնությունը:

«Դեռեւս ծանրամարտի Եվրոպայի առաջնությունից հետո, երբ ամփոփեցինք այն, ինչ ունենք, հասկացանք, որ բացառիկ վերաբերմունք է եղել, առաջնությունն էլ բացառիկ էր: Եվ դրա վառ վկայությունը լեցուն տրիբունաներն էին, որոնք, ցավոք, չտեսանք Բուլղարիայում անցկացվող առաջնությանը, որտեղ ներկա էր մեկ ավտոբուս մարդ», -ասաց Գիլոյանը:

Վերջինիս խոսքով՝ սպորտը երկրպագուների համար է եւ Հայաստանում երկրպագուների ներկայությունը կարելու է:

«Մինչեւ 2027 թվականը հեշտ չի լինելու: Մենք առաջիկա 3 տարվա համար 14 զանազան սպորտային միջոցառում ենք իրականացնելու, ընդ որում՝ նաեւ խաղային ձեւերից եզրափակիչ մրցաշարեր: Նախորդ 2 տարում Հայաստանում այնքան բարձրակարգ մրցում է եղել, որքան չի եղել Խորհրդային միության 70 եւ հետխորհրդային 27 տարիներին», -առանձնացրեց նա:

Ծանրամարտի միջազգային ֆեդերացիան որոշում է կայացրել 2027 թվականի աշխարհի առաջնության անցկացման իրավունքը վստահել Հայաստանին:

ԵՐԵՔ ՀԱՅ ՀԲԱԶԻԳ՝ ԲՐԱԶԻԼԻԱՅԻ ՄԻՑԱՆՃԱՐԻՆ

Հայաստանի հրաձգության հավաքականը բրազիլական վարկանիշային մրցաշարին կմասնակցի 3 մարզիկով:

Բրազիլիայի Ռիո դե Ժանեյրո քաղաքում ապրիլի 11-20-ը կկայանա օլիմպիական վարկանիշային հերթական մրցաշարը: Այն կլինի 10մ մրցաձեւում ուղեգրերի ձեռքբերման վերջին հնարավորությունը: 25մ եւ 50մ մրցաձեւերում դեռ խաղարկվելու են ուղեգրեր այս ձեւերի Եվրոպայի առաջնության ժամանակ:

Վարկանիշային այս մրցաշարի յուրաքանչյուր մրցաձեւում կխաղարկվի 2 օլիմպիական ուղեգիր: Հայաստանն այս մրցաշարում կներկայացնեն հրաձիգներ Հրաչ Բաբայանը, Էվիրա Կարապետյանը, Բենիկ Խլղաթյանը:

ՄՊԵՐՑՅԱՆԸ՝ ԳՈՒԲԼԻ ՀԵՂԻՆԱԿ

Հայաստանի ֆուտբոլի ազգային թիմի կիսապաշտպան Էդուարդ Սպերցյանը դարձել է դուբլի հեղինակ ակումբի կազմում:

Ռուսաստանի ֆուտբոլի առաջնության 23-րդ տուրում «Կրասնոդար»-ն արտագնա խաղում մրցեց «Պարի Նիժնի Նովգորոդ»-ի հետ եւ առավելության հասավ 3:4 հաշվով:

Հայաստանի ֆուտբոլի ազգային թիմից Էդուարդ Սպերցյանը «Կրասնոդար»-ի կազմում դարձավ դուբլի հեղինակ եւ անցկացրեց իր 100-րդ հանդիպումը թիմի կազմում:

ՖԻԼՄԵՐԻ ԵՐԱԺՇՏՈՒԹՅԱՆ ՓԱՌԱՏՈՆ

ՄԻՄՖՈՆԻԿ ՆՎԱԳԱԽՈՒՄԲԸ՝ ԳՈՒԲԱՅՈՒՄ

Հայաստանի ռեժիսորական սիմֆոնիկ նվագախումբը հրավիրված է մասնակցելու մայիսի 9-13-ը Գուբայում կայանալիք Ֆիլմերի երաժշտության փառատոնին:



Սիմֆոնիկ նվագախումբը, որպես փառատոնի պաշտոնական նվագախումբ, կունենա 5 համերգ, որոնց ընթացքում կհնչեն հայտնի ֆիլմերի սիրված մեղեդիները:

Փառատոնի շրջանակներում մայիսի 9-10-ին համերգային երեկոներ կնվիրվեն իտալացի կոմպոզիտոր, «Օսկարի» կրկնակի եւ «Ոսկե գլոբուսի» եռակի դափնեկիր, լեգենդար Էնիո Մորիկոնեի կինոերաժշտությանը:

Հայաստանի պետական սիմֆոնիկ նվագախումբը եւ փառատոնի երգչախումբը կղեկավարի Մարիկոնեի որդին՝ դիրիժոր Անդրեա Մարիկոնեն:

Մայիսի 11-ին հրավիրված համերգը կընկերվի «Աստղային պատերազմներ» խորագիրը, որի ընթացքում կհնչի ամերիկացի կոմպոզիտոր Ջոն Ուիլյամսի գրած կինոերաժշտությունը:

Այս երկու համերգները կղեկավարի Էնթոնի Գաբրիելը:

Մայիսի 13-ին կայանալիք համերգը կներկայացնի Չարլի Չապլինի ֆիլմերի երաժշտությունն ու ունկնդրին կփոխանցի համր կինոյի հմայքը: Երեկոն կղեկավարի դիրիժոր Թիմոթի Բրոքը:

Համերգները կկայանան Գուբայի օպերայում:

● Ապրիլի 14-ին՝ ժամը 19:00-ին, Արամ Խաչատրյանի համերգասրահում տեղի կունենա Համո Սահյանի 110-ամյակին նվիրված հորեյանական երեկո: Տոմսերի արժեքը՝ 3000-10.000 դրամ:



Էջը՝ ՄԱՌԻԱՍ ԴԱՆԻԵԼՅԱՆԻ

ՀԱՇՄԱՆԴԱՍՈՒԹՅՈՒՆ

ՀԱՐՑ. Ուզում եմ իմանալ՝ ինչ արժույթներ ունեն հաճախողները:
Սիրան Պողոսյան (39 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում եմ, որ հաշմանդամություն ունեցող անձինք՝

- ընդգրկված են բնակչության սոցիալապես անապահով ու առանձին (հատուկ) խմբերի ցանկում եւ կարող են օգտվել սահմանված անվճար եւ արտոնյալ պայմաններով բժշկական օգնություն եւ սպասարկում ստանալու արտոնություններից,
- ընդգրկված են անվճար եւ արտոնյալ պայմաններով դեղեր ձեռք բերելու իրավունք ունեցող բնակչության սոցիալական խմբերի ցանկում: 1-ին եւ 2-րդ խմբի հաշմանդամություն ունեցող անձինք իրավունք ունեն օգտվել անվճար դեղեր ձեռք բերելու արտոնությունից, իսկ 3-րդ խմբի հաշմանդամություն ունեցող անձինք՝ 50% զեղչով, եթե չեն օգտվում ավելի արտոնյալ պայմաններով դեղորայք ստանալու իրավունքից,
- ընդունելության քննությունները դրական գնահատականներով հանձնած 1-ին եւ 2-րդ խմբերի հաշմանդամություն ունեցող եւ «հաշմանդամ երեխա» կարգավիճակ ունեցող անձինք ընդունվում են պետական բարձրագույն կամ միջնակարգ-մասնագիտական ուսումնական հաստատությունների անվճար համակարգ՝ վճարովի համակարգի համար առկա անցումային միավորներ հավաքելու դեպքում,

1-ին եւ 2-րդ խմբերի հաշմանդամություն ունեցող անձինք ունեն անվճար էլեկտրատրանսպորտից օգտվելու իրավունք,

1 իրավունք ունեն ստանալու աջակցող միջոցներ՝ պրոթեզաօրոթայեղիկ պարագաներ, վերականգնման տեխնիկական եւ այլ օժանդակ միջոցներ՝ համապատասխան վերականգնողական անհատական ծրագրին, պետական հավաստագրի հիման վրա:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Հաշմանդամությունը սահմանվում է մեկ տարի ժամկետով, երկու տարի ժամկետով, մինչեւ 18 տարին լրանալը եւ անժամկետ:

ՀԱՍԱՐԱԿՈՒԹՅՈՒՆ

ՀԱՐՑ. Խնդրում եմ ասել՝ ինչ չափանիշներ են հաճախ առնվում վարկ սրամարտերին: Արդյո՞ք այդ չափանիշների առկայության դեպքում բանկը կամ այլ վարկային կազմակերպությունը դառնալով է դիմողի հետ կնքել վարկային դաշմանագիր:
Համլետ Հարությունյան (46 տարեկան)



ՊԱՏԱՍԽԱՆ. Հայտնում եմ, որ վարկային պայմանագիրը չի հանդիսանում հրապարակային պայմանագիր, հետեւաբար վարկատուն ինքն է ազատորեն որոշում ում հետ կնքել վարկային պայմանագիր, ում հետ՝ ոչ: Բանկը կամ այլ վարկային կազմակերպություն, գնահատելով վարկը մարելու հաճախորդի հնարավորությունը, ինքն է որոշում կնքել վարկային պայմանագիր, թե ոչ:

Վարկունակությունը գնահատելու նպատակով կարող են հաշվի առնվել հետեւյալ հանգամանքները՝ աշխատավարձի եւ այլ եկամուտների առկայությունը, վարկային պատմությունը, անշարժ եւ այլ գույքի առկայությունը, երաշխավորների առկայությունը, տարիքը, այլ հանգամանքներ:

Ֆինանսական համակարգի հաշտարար

«ԺՈՂՈՎՈՒՐԳ». Վարկային բյուրոն չպետք է ներառի վարկային գեկույցում վարկային տեղեկատվության սուբյեկտի վերաբերյալ վարկային գեկույցի տրամադրման պահին նախորդող հինգ տարուց ավելի վարկային տեղեկատվություն: Հինգ տարին ավարտվելուց հետո նշված տեղեկատվությունը արխիվացվում է («Վարկային տեղեկատվության շրջանառության եվ վարկային բյուրոների գործունեության մասին» ՀՀ օրենքի 11-րդ հոդվածի 6-րդ կետի 2-րդ ենթակետ):

ԼՈՒՐ ԿԱԴՐ

Լուսանկարը՝ «Ժողովուրդ» օրաթերթի



Երեկ Թումանյան եւ Նալբանդյան փողոցների խաչմերուկը կաթվածահար վիճակում էր: Հետիոտնային անցման համար նախատեսված լուսացույցը ճանապարհի մի կողմում անսարք էր, մյուս կողմում պարզապես բացակայում էր: Ձողը, որը նախատեսված էր լուսացույցի եւ թեքահարթակի առկայության նշանի համար, պոկված եւ նետված էր գետնին:

ԲԱԺՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուկ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 3 - 7 +14 + 18	Արարատ	+ 2 + 5 +24 + 26
Կոտայքի լեռներ	- 3 - 6 +14 + 17	Արմավիր	+ 1 + 4 +15 + 17
Կոտայքի նախալեռներ	- 2 + 1 +21 + 23	Վայոց ձորի լեռներ	- 3 - 6 +21 + 24
Գեղարքունիք	- 3 - 6 +13 + 16	Վայոց ձորի նախալեռներ	+ 2 + 4 +24 + 26
Լոռի	- 1 + 3 +17 + 21	Սյունիքի հովիտներ	+ 5 + 8 +24 + 26
Տավուշ	- 1 + 2 +18 + 22	Սյունիքի նախալեռներ	- 1 + 3 +23 + 25
Արագածոտնի լեռներ	0 + 3 +14 + 15	ԼՂՀ	- 1 + 3 +22 + 24
Արագածոտնի նախալեռներ	+ 3 + 6 +21 + 24	Երեւան	+ 6 + 8 +18 + 20

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության **8.4.2024**

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: